

ادبیات گمروپیه مجبوریه

هفته لقی سیاسی ، ادبی و علمی مجموعه در

جلد : ۱

سنه : ۱ ۲۸ محرم ۱۳۳۵ جمعه ایرتسی ۱۲ تشرین ثانی ۱۳۳۲ نومرو ۴

سیاسیات

وه نوسك قوللری

بو کون ، دون قیریلان قوللرینک اوضاع مجهوله سنی تعین ایتمکده اک بویوک علمای
حسنی عاجز براقان بو طاشدن قادین ، ابدیت متحجره سیله ، یارینکی تاریخه قارشى بو
کونکی یونانک اک کوزل تمثالی اولاییلیر : وه نوسك قوللرینی زمان قیرمشدی ، آتته نك
قوللارینی ده بو کون وه نیزه لوس قیردی .

ملتک نامنه وطنک علیهنده حرکت ایدن بو اسبق چته و سابق حکومت رئیس ،
(اییسن) ک ، یاخود (ویقونت دو ووگوئه) نك هیچ شبیه سز ماضیدن ، تا یونان
قدیم اعصارندن عصر حاضره خورتلامش بر جازه سیاسیه تلقی ایده جکلری قدر تاریخک
تکرر ایتمش بر عجیه سیدر : آتته جمهوریت قدیمه سند « تیران » لق ایدن [پزیسترات] ده ،
اونک کبی ، ملت نامنه لاقیردی سویلیه رک ظالم اولمشدی ! او زمان ساحل اهالیسی
اعتداله ، داخل عوامی آریستوقراسی یه طرفدار ، داغلیلرده دم موقراتدی ؛ سوزلریله
بونلره رئیس اولان پزیسترات ، اکثریسی کندی علیهنده بولونان بوتون خلقلک ،
وه نیزه لوس کبی ، اوتانمهدن وکالتنی ادعا ایدرک مقصدینه نائل اولمشدی ! اوندن صوکره
ملت نامنه ملته تحکم ایتمش ، آدملری واسطه سیله قانونی مقصدینه آلت اوله رق قوللانمشدی .

آمریقا ده سیاست و آمریقا سیاستی

[آمریکا، یو محاربه هنکامنده، کتدیسندن پک چوق بحث ایتدیرن بردولتدر - حکومتات متحده مصالحه عمومی ده بلکه بیوک بر رول اوینایه جقدر. بناءً علیه مملکت مذکوره ده سیاستک نصل آ کلاشایدیغنه و آمریکا سیاستک نهدن عبارت بولوندیغنه دائر تتبع و مشاهده اوزرینه قبل الحرب یازلمش بند آتی بی قارئلرمزده تقدیم ایدیورز.]

شو مقاله مزده توطئه اولق اوزره جغرافیا اعتباریله حکومتات متحده بی برآز تعریف ایدلم : حکومتات متحده شمالاً غایت دوست و همعرق بر ملتک ساکن بولوندیغی [قانادا] ایله محاطدر. اوقیانوس اطلسیدن اوقیانوس معتدله قدر امتداد ایدن بو ایکی حکومت هان هان غوغا چیقارمادن ترقیات داخله لرینه باقیورلر. [قانادا] ده تقریباً طقوز میلیون نفوس اولوب بونک ایکی ثلثی آمریقالیلر کی انکلز، دیگر ثلثی فرانسز عرقلرینه منسوبدر. جنوباً ایسه عرق و سویه اعتباریله بشقه و آشاغی اولان [مه قسیقو] حکومتی ایله محاطدر. بوقه ده راسیونک نفوسی تقریباً اون آلتی میلیون ایسه ده آنجوق بونک اونده برینی بیاض آدملر تشکیل ایدر. یوزده او توزی ملزدر. متباقیسی ایسه قره جاهل آمریکا هندلیلریدر. [مه قسیقو] حکومتی آنارشینک، فرق متغبله نك یواسیدر. اختلال اوراده مزمن بر حالده در. ارباب اقتداردن اولدیغی روایت اولونان رئیس جمهور [پورفریشو دیشاز] ک زمانده کی صلح و صلاح [هوئرتا] نك رأس کاره کلسیله زائل اولمش، آمریقانک [مه قسیقو] امور داخله سنه مداخله سنی انتاج ایتشدر.

شمال حدودنده آمریکا نه قدر راحت ایسه، جنوبده اوقدر غائله ایچنده در. غرباً و شرقاً آمریقانک حدودی اوقیانوسلر تشکیل ایدر. بناءً علیه بو دولتک راحت و آسایشی اخلاص ایدمک دولتک پک اوزاقده در. دول معظمه و ژاپونیا هیچ بر وجهه، آمریکا حکومتات متحده سی الکالرینه تجاوزی عقلرینه کتیرمزدر.

شو سوائق جغرافیا و آمریقانک تشکلات احرارانه تاریخیه سی اوراده سیاسته بشقه بر شکل ورنک ویرمشدر.

آمریقانک مناسبات خارجه سی اورویا دولتلرینک کنه مشابه دکلدرد. اوروپا دولتری ایسه بر برندن قورقارلر و سیاستلری مناسبات خارجه یه مستنددر. آنک ایچون دائماً غوغا ایدرلر، بیوک اردولر بسلرلر، حق بقالرینی محافظه ایچون تجاوزی پولتیقه اختیارینه مجبوردرلر.

أوروپاده حیات ملیه و حقوق نجبا بیوک رول اوینار.
 آمریکا افراط ملیتی بیلیمز. بناءً علیه عسکری چوق دکلدر. هله ۱۸۹۸ اسپانیا محاربه سینه
 قدر آمریکا اردوسی پک جزئی ایدی.

موقعی آمریکایی تجاوزدن مصون بولونديرديغندن، خوف و تلاش ایچنده قالماز و تکملات داخلیه سینه
 باقه جق وقت بولور. كذلك تهلكه لره ده معروض اولمديغندن ائتلافات و اتفاقات دولیه یه ده اجنیدر.
 بو اعتبار ایله ده اسباب مدافعه سنی تکثیر مجبوریتنده دکلدر.

أوروپاده سیاست خارجه سیاست داخلیه نافذدر. ایی بر داخلی پولیتقه دیپلوماسینک متین
 اساسلر اوزرینه استنادینه وابسته در. بوده قوای بریه و بحریه نك ترقیاته منوطدر. ایش
 بر عکس اولدیغندن، آمریکاده، سیاست داخلیه ده، خارجی پولیتقه نك اعرابدن پک محلی یوقدر.
 آنجق ۱۸۴۵ [مه قسقو]، ۱۸۹۸. اسپانیا محاربه لری پک جزئی اولق اوزره ذهنلری و فرقه لری
 اشغال ایده بیلمشدر.

دیك اولیورکه شهراه تکملاتنده آمریکا، أوروپا دولتلرندن بشقه بر طرز اختیار ایتشددر.
 بوده جغرافیا و تاریخک کنديسینه بنجاشیدر. متمادی غوغالردن مضمون اوله رق صلحاً ترقی ایدن،
 اولادی عسکر اولیان، اختلافات خارجه ایله اوغراشمان بو دولت، اصلا، أوروپا حکوماته
 مقیس علیه اوله ماز. آمریکاده ایش چقارمق ایسته یین، کمنسه لره ده تصادف اولماز. بو ذهنیتک
 تأثیری ایله اوله جق که آمریکاده رجال حکومت، اعظم، حتی رؤسای جمهور دکل یالکز سیاست
 عالمه، ممالک سائره نك مسائل مهمه سینه بیله بیکانه درلر.

رئیس [مونرو] Monroe ۱۸۲۳ تاریخی بیاننامه سنده مهم بر اس سیاسی اختیار ایله
 آمریکانک آمریکا خارجنده کی مسئله بیانچی قالمسنی عنعنه حاله وضع ایتشددر.

اوان تشکله آمریکانک مقصدی یالکز انکلیز و فرانسه لسانلریله متکلم اهالینک اوطوردقلری
 قطعاتی دائره اتحاده آلمقدی. بونک ایچوندرکه استقلال محارباتنده [کانادا]، [نوواسکوچیا]،
 [بهرمودا] نك ده اتحاده آلمسی ایچون تشبثات وقوعبولدی. فقط ثمره ویرمدی. بونکله
 برابر پولیتقه بعضاً بو حدودی ده تجاوز ایتدی. مثلاً رئیس [پولق] (۱۸۴۹ - ۱۸۴۵)
 قوبا [و] [پورتوریکو] آطه لرینی اسپانیادن صاتون آلمق ایستدی. [جونسون] زماننده،
 (۱۸۶۷) دانیمارقه دن [سهن طوماس] و [سهن جون] آطه لری، [غرانت] زماننده (۱۸۶۹ -
 ۱۸۷۲) مستقل [سان دومینگو] جمهوریتی اراضی اشترایدلک فکرلری واردی.

آمریکا، یالکز قطعه نك شمال غریبسنده کی [آلاسکا] طوپراغنی روسیه دن صاتون آلمشدر.
 فقط بو هوسلر چابوق زائل اولدی. آمریکا ۱۸۹۸ سینه قدر مسائل خارجه نك بیانچیسی
 ایدی. اودرجه ده که حکومت مرکزیه امور عالمه آگاه اولان سفرایی بولوب أوروپا دولتلری
 نزدینه کوندرمکده بیله مشکلات چکیوردی.

۱۸۹۰ سینه قدر آمریکا اردوسی یالکز بکرمی بش بیک کوکلیدن وایکی بیک قدرده
 ضابطدن مرکبدی.

(استطراداً شونی سویلیه لم که آمریکانک West Point [توئست پوینت] ده کی مکتب

عالی عسکرسی پک مه‌مدر. آمریقا‌ده طویدیغمه نظراً بوتون دنیا‌ده بوندن منتظم، بوندن مصرفی بر عسکر و مهندس مکتبی یوقش. آلمانلر بیله بومؤسسسه حیران ایمشلر. (کذلک اوزمانه قدر دونمالری ده کوچکدی .

خلاصه‌ مقال اسپانیا محاربه‌سنه دکن آمریقا سیاست وعسکرلک اعتباریله غایوی بر وضعیتده بولونیوردی. جنوبی آمریقا‌ده اولدینی کبی آزغین امرا، ارباب احتراض، جوار ممالکک اصحاب قیامی بشقه یرلری قاصوب قاووردینی هنکاملرده آمریقایی هیچ برشیدن قورقه‌دن، برچوق کلفتلردن آزاده اوله‌رق صنعت و تجارتنه باقیوردی. ادعا اولوندیغنه وبی طرف اجانبک‌ده تأییدایتدیکنه نظراً بو حال حسیات وطن پرورانه‌نی ازاله ایتمه‌مش و ملت نجاتیای مردانکیسنی محافظه ایتشدیر. آمریقا‌ده بشقه دیارک حالی، احتراضاتی بر طاقم سیاسیونک وسیله‌ خنده واسته‌زاسیدر. اهالی ده بعض دولترک ومثلاً انکلترونک ستیزه جولنی ایله قابا قابا ا کلنمکی معتاد ایدمشدیر. آمریقا خارجه مستولی اولق طرفداری دکلدیر. بو کونک ذهنیتی تشکیل ایدن بو مسالک قولایلقه قابل تفسیردر. چونکه آمریقا، هنوز کندیس بر مستعزهدر. غرب حکوماتی یکی استعمار اولونیور. طریق تمدنه ادخال ایدیلن اقسام‌ده غربک یالکز یوقاری جهتلیدر. جنوب ولایاتی هنوز ایشلمه‌مشدر. [ته‌قساس]، [نیومه‌قسیقو] کبی یرلرده آمریقایلر ده پک چوقایش بوله بیلرلر.

آمریقایلرک صلح‌پرورلک‌رینه بر درجه‌نه قدر انکلیز خصومتک‌ده طاوسامسی یاردم ایتشدیر. وقتیه انکلیزلره قارشی صوک درجه‌ده مخالف برسیاست تعقیب اولنوردی. فقط اوچ ربع عصردن بری افکارده بیوک بر سکونت کورینیور. وقایعک کریلرده قالب اونوتلمسی، [آلاباما] مسئله‌سنک بر صورت حلیه‌یه اقترانی، انکلترونک داها ده موقتاتیق برشکا آلمسی، آمریقانک ادبیات وفنیاته خدمتی، خصوصیه واپورلرک ایکی قطعه‌نی بر برلرینه یاقلاشدیرمسی، لورد [برایس] ده نظراً، بو سکونتک اسباب مولده‌سیدر. ظن ایدرم که مؤلفک حق درکاردر. ینه بوذاته کوره بو ذهنیتک زوالی آمریقا طرفندن [کانادا] یه وقوع بوله‌جق بر هجومک او کنی آلمغه کافیدر.

آمریقا پک صلح‌پرور ایه‌ده [کانادا] نک فتحی ویا اتحادیه ادخالی اذهان عامه‌نی خیلی اشغال ایدر. [کانادا] نک اتحادیه داخل اولمسی ایله تکاملاتنک دهامساعد بر صفعیه کیره‌جکی سویلینیور. فقط آمریقایلر و [کانادا] لیلر هر ایکسی ده انکلیز عرقنه منسوب اولقله برابر امرجه مختلفه‌یه مالکدرلر. هر ایکی مملکتده عنعنات وعادات بر آز دکیشیور. بوکون، بو احتمال اتحاد بر ته‌لکه تشکیل ایتمز. بو سنه‌لرده هر ایکی الکا پک دوستانه، پک مستحسن مناسبات همجواری ادامه ایدیورلر. [مه‌قسیقو] یه کلنجه، بو غریب دیارک تذبذب اداره ومقدراتی آمریقانک صبرینی توکتیور. [مه‌قسیقو] کانادا یه قطعاً بکزه‌مز. اهالی اکثریا وحشی بقایاسی واسپانیول کبی بر عرقک دوکونتیسی اولدیغندن اوراده سویه مدیت پک آشاغیده‌در. ملت هنوز رشید دکلدیر. تجارت آلمان وانکلیزلرک، معادن اکثرته آمریقانلرک آئنده‌در. اختلالات شمال قومشوسنک خصوصینی اخلاص ایدیور. [مه‌قسیقو] نک اتحادیه دخولنه طرفدار اولانلر وارسه‌ده بوملتک عدم رشد سیاسی میدانه قویه‌رق بوندن آمریقانک ضرر کوره‌جکی فکری‌ده شدتله ایلری یه سوریلیر.